

OMUKUETU

N:o 9

SEPTEMBER

1952

EGUMBO LI NELAGO.

Paamue to pula ndje, egumbo li nelago oli li peni mbela? Leshu Luk. 10:38-42 na Joh. 11:1-44, 12:1-11 ngoje e to dimbulula ngiika momukunda gua Betania omua li mu negumbo li nelago. Eno, kandi nomalimbililo, sho te ti egumbo ndijaka ljomukulukadi Marta olja li li nelago. Marta namuajina Maria na Lasarus ojo aantu aanelago shili.

Ihe elago ljauro olja shike ando? Omukuetu, ue li dimbulula tuu? Paamue to ti: Aantu mbejaka ngiika ja li je neliko olindji ljiinima juujuni mbuka. Aue, ojo aantu aafupi, aacigona, ihe aanelago. Nenge pamue aantu aanamadina ja simanekua kaantu aakua-uo omolu uukuluntu? Aue. Nenge paamue ja kala naua aluhe, inaa adika nando kuudigu, nenge kuuehame nokoluhodi. Aue, hasho elago ljauro. Oja aadika kuuehame no koluhodi, neso nokuli lje ja megumbo ljauro, ngashika tua hokololelua Joh. 11:3, 14. Ihe onkene aanelago.

Elago ljauro oljo ndika ojo sho ja li je na okuume kauo omunankondo, nomunahole, eeno oje ohole jojene, OJesus Omuua guetu ongoka a peua epangelo alihe no megulu no kombanda jevi, Omukuaci ngoka ita njengua ku sha. (Mat. 28: 18, 20) Ongoka e noohapu domuenjo gualuhe. (Joh. 6:68) Ongoka e niipatululo no jeso no joshaa si (Ehol. 1:18) Ongoka ta vulu nokua hala okupa ookuume ke omuenjo nelago ljauro. (Joh. 11: 25-27) Eno, Jesus oje tuu elago lja Marta, no lja Maria no lja Lasarus. Jesus okue ja kuaca muudigu uauo, nokue ja hekeleke momaluhodi gauo, nokue ja popile noku ja hupica no mokusa.

Omolu shike ihe Omuua guetu Jesus a hokua egumbo ndijaka naantu mbejaka? Nomolu shike kua li e ja hole? Omolue muene, oshoka oje ohole jojenejene, nomoluohole jaantu mbejaka, oshoka najo ja li je hole Jesus. Mokati kauo na Jesus mua kala ohole jokuholacana. No mokuholu Omuua aantu mbejaka jomokagumbo nkejaka oje mu taamba megumbo ljauro. Omue ne guegumbo, omukulukadi Marta okue mu taamba nokue mu jakula nohole onene nokue mu pakele po naua.

Ihe shono sha njanjuda Omuua uunene megumbo ndijaka, ha ejakulo lja Marta, ha iikuulja iitoje nenge iikunua ando, aue. Omuua okua njanjuda kondjala ja Maria, okondjala jokomuenjo, ondjala joohapu domuenjo. Maria okua hokua okukala popepi nOmuua nokupulakena oohapu dOmuua. Osho tuu sha njanjuda Omuua uunene, oshoka oje okue ja muujuni muka okukonga nokuhupica aantu. 'Je „ine ja okulongelua, ihe okulongela."

Ihe oshike sha hokica Maria okukala popepi na Jesus nokupulakena oohapu dOmuua? Noshike she mu dimbica iinima iikua-uo, ejakulo ljokujakula Omuua nekuaca ljokukua omukuauro? Ondjala ndjoka jokomuenjo ojo tuu. Maria oku uuvite momuenjo gue, Omuua oku hole ndje, Omuua nguka oje auike ta vulu oku pa ndje omuenjo nelago lja shili. Maria oku uuvite uutoje uohapu dOmuua. Oje nokua palucua nokua kolekua koohapu dOmuua. Oohapu dOmuua ode mu kolekele eitaalo nohole. Necimbo sho lja cikana Maria okua jambukile uo ejakulo ejaupuki oljokujakula Omuua nejakulo ljohole onene. Tala Mat. 26: 6-13, Mark. 14: 3-9, Joh. 12: 1-3.

Omukriste omukuetu, natse uo otu nompito okuimonena elago ndika noku li likolela omagumbo getu, oshoka Jesus Omuua guetu mokuenda kua nuujuni mbuka okua ciki no komikunda detu no komagumbo getu. No nena oku li piijeelo jomagumbo getu no joomuenjo detu, ngele inatu mu egululila natango. U uuviteko tuu nkene a kala nokukonkola nokuindila, u mu pe ompito okuja mo? Omuua Jesus okua konkola oluindjilindji, a heda popepi na ngoje nokua konkola onoohapu de no momasakramenti ge. Je no ha konkola pamikalo odiili na diili. Esiku limue ta konkola muuvu uoje nenge muuvu uomukueni u mu hole, nenge to adika kuudigu no koluhepo, Omuua no ta konkola pomuenjo guoje (Ehol. 3:19). Nenge sho te ku pe omaganohenda ge giili na giili, ota konkola. (Rom. 2: 4.)

Omukuetu, ua egulula tuu? Ua egululile tuu Omuua ngu guesilohenda no guohole? Nenge pamue ua egululile satana, nuujuni nonjama joje? Tala, mboka ajehe aatondi joje, je ku halele uuinaji auke, niiponga nekaneno ljaaluhe. Omuua Jesus oje auike a hala e ta vulu oku tu pa elago lhashili nomuenjo gualuhe. Tu mu egululileni ngashika Marta, tu kaleni nokukuutumba koompadi de ngashika Maria. Oje no te tu jambeke elago lja shili omasiku agehe nelago ljaaluheluhe. Amen.

Eimbilo etijaali m'Ehangano.

OMUTAAMBUA TI IFUPIPIKE.

Okui ifupipike shike? Oshoka oje a ti: „Omuna guomuntu i-ne ja okulongelua, aue, okulongela". Omuua Omukulili guetu nge tatu landula oonkatu de mu Palestina, otatu ada okuenda kua akuhe okuomufupipiki, okua vulika naanaa sigo okusa. No maandja Marta otatu shi mono naualela. Marta okuo opaleke sho a taamba Jesus megumbo lje. Ihe Jesus Omuna gua Kalunga okui ifupipike shili sho kua hala okuja megumbo ljomuntu ohepele a taambue kuje. Otatu mono omuntu oje oku cike peni momoho ga Kalunga? Oje okanima okashitua kouala, okapecipeci, okadidi. Kake na omutse nondungu. Ihe Kalunga omunenehene kee shi kujelekua nando nasha, Oje omushiti guetu no guajihe. Pakutala kuetu omuedilili oje omunene, omuedililua mo oje omushona. Omuedilili oje omusahenda. Ano Omuna gua Kalunga a silua ohenda komuntu guouala. Oje okui ifupipike a silue ohenda komulunde.

Ihe, Jesus sho a taambua ku Marta maandjauo, okua taambua a jakulue ku Marta na Maria. Marta okua li u uvite enjanju enene omoluejakulo lje muene, sho te mu jakulica omajakulo ge „gomomaliko ge". Okui ihangele oshituci momuenjo gue, sho kua li e shi tseja naua kutja iikulja oje muene. noonkondo ode, negumbo olje no ta gandja kuaangoka kee ji na, ando ojo ajihe, oje ngoka omuene guegulu nevi. Oje ngoka ta paluca ajehe, niinamuenjo ajihe kombanda jevi, nokuli oje ta hambata evi, netango, nomuedi noonjoci negulu alihe, oje e naapangelua je aanankondo kaje shi kujalulua. Jesus i ifupipike shili sho a zimine a jakulue koshinima she shouala.

„Marta, Marta u noshimpuju shojindji no ua pjagana". Omukuetu omuholike, omomasikuko goje Omuua Omukulili te ku igidile nonena pecimbo tuu ndi: „Nima, Nima, u noshimpuju shojindji no ua pjagana unene". Eca ajihe ngoj' u kale nOmuua. Diginina eitaalo ljoje. Ajihe joje ji eca. Omuua oku shi okugandja e ku vule. Onke ano Omuua Jesus sho a taambua megumbo muja, okua hala okujakula oje ne jaljo, oshoka ine ja okujakulua, okue ja okujakula. Pamue Maria e shi dimbulula naua, sho kui ihogololele ontumba ombuanaua inaji mu kucua. Oje uo a fa a dimbulula: naampaka Jesus ita hepa omajakulo gaantu, ajihe oje, onke e nokujakula omuntu. Kombinga je e nokueca etindo alihe, oje m ene i itaale ashike Jesus nguka e li po ekota ljuhupico mu ajihe, a taambe ashike shoka te shi mu pe, no a gundjile shili miikaha je, oje e mu pangele. Ongoje ngele ue mu taamba, naje uo te ku taamba, ua ningi omunelagoelela. Naanandjo oojakueni to ja fala ku je.

Nge ue mu taamba shili momuenjo guoje no ua pitika a dike egumbo mungoje, nena oto tumbula nomuenjo aguhe: „Omuua otatu ji peni? Ongoje u noohapu domuenjo gualuhe". Nesiku ndika ljesilohenda inali ku pitilila po ouala, aue oua taambicua omaganohenda. No ua ningi omuntu gue, oshoka ota pe shaa ngoka she mu jeleka.

Toivo Jesaja

EGONGALO EPE.

Omuua Kalunga ti ikongele aakulilua je jokOuambo. Oje ota penduca aakuanegongalo, ja adika ja koca, noje ota gongele oonzi da kana no te di etele mo megongalo lje. Ompoka tatu hokololelua egongalo limue epe nkene lja tameke pomasiku gongashingeji.

OKAKU (Omulilo)

Oli li peni? Inda kongulu jepangelo ljOuambo kOndangua oko u ze noshitauua shu uuka kUukuanjama kEndola. Manga ino aada ongamba jOndonga nUukuanjama oto ciki kegongalo ljOkaku (Omulilo).

Olja holoka ngiini? Ongombe ngele ja koko, otaji vala okatana. Egongalo ljOshitaji oljo onzinzi onene ja koko, noja vala okatana kajo OKAKU. Omadiladilo gokutopola egongalo ljOshitaji ga kala po nale, ihe oku ga tsakanica kua kala kua njengana omolu'ompumbue jaasita nomaimbo galue, ngashi ezimino ljeha hali tegelelua uo.

Kalunga muene okua koleke nokuopaleka oshinima shika. Aakuluntu jilonga jetu ja tokola: Omusitagongalo omugundjuka a japulilua oshilonga shuusita mu Elim 9. 10. 49, a ka tameke oshilonga omumvo 1950, pu holoke egongalo epe. Oje tuu ta hokolola mpaka okuja ko kua:

IILONGANKONDO JOMUUA.

IIKUMICA MU ELIM.

„Nde ja okudadiga omulilo, nonda hala nokuhalelela gua hua-ma.“ Omuua osho a ti.

Aakuetu, onda mono iikumica jomulilo gua dadigua kOmuua mu Elim. Tango okue gu humbatica omutumua gue, B. Eriksson nokuaashi sha je muene. Okoohapu di Ehol. 21:27 omulilo guOmbepo Ondjapuki gua huameke omukadona kehe mokagumbo, nangame uo kashona manga. Shika sha ningua 4.8.52 okuza poandaha. Uusiku mboka aagundjuka ja lilile shili oondjo dauo noku di hempulula. Taa kungu mo ashihe shihuna kaji shi kutumbulua. Esiku ekuauo aamati aanaskola ja kuatua uo, omulilo gua tema. Shaa ngoka ota matuka a konge ekuaco shili, oshoka ota pi naji kihuna je. Aavu ja ningi ojendji, shaa ngoka ota keme nokumatuka kOmuhupici Jesus, omuti guealudo. Osho sha kala sigo 9.8.52. Ngame uo nda tompelua ihe uulunde kOmbepo, nopuaa na ue eipopilo, nda kongo uo aakuaci. Esiku 10.8.52 Omuua okua tula omulilo gue miikaha jaaniimuandi nomusita guauo, je gu huameke koomuidi komakuega nokoondjoho doku Elim. Tala kuume, Omuua okua longo shili epapuduko tali kumica. Ok 12.1 tuu 10.8. sigo 11.8. kape na ue omuali ta tumbu mukua. Iipala ja kanica ombili; ojendji ja tameke okulila. Otaa pandekua ouala ja hala okuhempulula nokuli mpoka manga aauvici taa uvica, naapagani uo.

Aantu ja peua ompito okuja kaahempululicite nenge -meme. Aahempululici oja li ja kondo 10 momasiku gamue. Naa naa ngashi ua mono oongombe tadi kondjele petemba ljomeja, osho aantu ja li taa kondjele piijeelo jaahempululicite nenge -meme. Aantu ja hatua pevi shili, ja suudigu, ja ciminikua moomuenjo, ja notelua emangululo mombinzi ja Jesus.

Kuume, onda kala olule pomauuvico miigongi, ihe inandi mona Kristus noonkondo domegulu mokati kaantu, ta denge moomuenjo, ihe otapa pi shili. Kape na nando ogumue taku tiua: Cikama, ou na oondjo, inda u ka hempulule. Ashihe oshi li puujelele momohe gomuntu muene. Ondu uuvu epapuduko lja longua palue mOumambo, ihe inandi uuva sha ningua, ngashika sha ningilua mu Elim. Iikumica shili. Aantu ja cigi ko omagumbo gauo, ja dimbua nokuli omalutu gauo nando pe na uutalala, otaa lala kontundulu mooha domilunga nomongerki. nomoondjugo dooskola. Shaa mpoka ope na aantu taa lili. jo taa galikana, taa kugu shili muule ongulohi nuusiku auhe. „Omuua sila ndjohenda. Omuua mangulula ndje.“ Epapuduko tali kumica oomuenjo de li juulukua nale, ondika aakuetu. Emanja li nomuenjo lja njanjagula oomuenjo, sho lja guile Niimuandi na Elim, oJesus Kristus. Oje a tsica naanaa dika tadi ti: Iil. 2:17-18. Oshigongi shika osha pangelua koohapu di Ehol. 7: 1-3: „Inamu u-mba oshiponga evi, nenge efuta, nenge omiti, manga tatu didilike aamati ja Kalunga miipala jauo.“ Oshili, Omuua a mangulula aamangua ojendji, nangame gumue guauo mbo tua li tua mangua pahapu di: Gal. 5:19-21. Oonkandja ndatu da li da ja muule uonjama jandje, Kristus e di tokola. Odo iifundja, ciningico, ondjahi. Oshili nangame nda hupicua. Halleluja!

Ongundu onene ja li ja kuutumbile oshigongi shika, 10-14 lja Augustus, oja ningi oongundu mbali: 1) ongundu jaadidikua 2) nongundu jaatindi jemangululo.

Oto kuminua shili oonkondo domegulu da longa iikumica. Aantu je cike 1670 ji itedulula, no ja diminua po oondjo, jomaanona nojomaakuluntu naapagani uo. Nda kuminua aanona nkene ja lili omolu oondjo, jamue aashonashona. Jamue jomuaamboka je eca ashishishihe, niikolica nomakaja, puua na nando eciminiko ljomuntu, opahapu dOmuua adike. Heb. 8:11-12. Esiku etitano 15 Augustus pua ningua ehulico ljoshigongi pecimbo ljongula. Aamangululua ja peua ompito okuetela Kalunga omahambelelo molu emangululo lja. Oja li po ojendji, onke inaa pua ko ajehe okupopja ogumue nogumue. Onke sha ningua mongundu. Pondje nomeni ljongerki aantu ja cikama noknjelua iikaha noknhakela, nokuigida mokule omahambelelo. Jamue ja lili omahodi genjanju. Jamue ja lili omolua sho ja adika, ope je ja luotango koshigongi, no ja hala uo emangululo. Nokuli ja tsikile oshiviike sha landula okuhokolola oondjo dauo koshinjanga shegongalo, naanona uo ja holoka aluhe, nando oskola oja fuda, omolu oondjo tuu dauo.

Esiku ndjoka etitano okua li iikumica noonkondo. Kandi shiuo ndi tje ngini. Eps. 126:1-3. Sho pua zimbukua okuhambeleda, okui imbua 627. Tua piti, pua fudua okacimbo. Aanona taa shuna mongerki naajehe mboka inaa kolekua. Koaltari kua ji aasita jane jatatu aauambo, nomutumua gumue, omuhongi J. Marttunen omupe. Aanona taa ningilua elongelokalunga pafupi, otaa lalekua nuujamba. Iihuna shili omeho gaanona nkene ga adimine ehupico lja. uo. Ja fa naa naa uue moshishani sha Jesus. Tau imbilua eimbilo lja. 511: „Omuene Jesus iha din'ounona.“ Opo taa pitile komueelo omushona, taa shuna nenjanju komagumbo je na Jesus meni lja. uo, manga aakuluntu taje ja meni niipala taji adimi okutsakane-ka Omuua mUulalelo Uujapuki. Einjengo ndika sigo onena ondi li uuvite, nondi li uete meni. Ongashi naa naa megumbo ljomegulu, nkene taku pitililua miijeelo ja adima.

Osho oshigongi sha hulica ngeji nUulalelo Uujapuki. Peningi-nino ljetango aantu taa piti mo ihe nokushuna komagumbo.

Ihe tala kuume: „Ongoka a diminua po oondjo odindji, oku na ohoole ojindji.“ Aagundjuka jomaamati naakadona, aahungusa-mane naafukona juunona uujaali nuutatu inaa vula okumuenena shoka je shi mono noje shi peua, oja ji ja ka hokolole: Esilohenda ljOmbepo jepapudulo ljopomacimbo gejo ljOmuua, li li shili popepi. Opo ja adike mongundu jaamati ja Kalunga je na edidiliko miipala jauo.

Ondi na omaimbo, ando nangame onda ji pamue najo. Ihe ope na shoka te vulu okuninga: — Otandi ja galikanene ajehe noomuenjo daakuetu ja hoka.

Omukuetu ua mangua natango? Jesus ta mangulula aamangua. Ondi shi shi shili!

AANTANANGA TAJI INJENGE.

Iigongi jomapapuduko taji uvika apehe. Nangame uo onda mono ompito okuenda mongundu jaapapuduli. Tango aapapuduli sho ja zi kOndobe, noje ja megongalo ljaandjetu mOshigambo 8.6. 52, ope nda dimbulula oshilonga shOmbepo Ondjapuki ja tameke okulonga moomuenjo daantu, sho ja hempulula oondjo dauo da kala da holekua.

Okangundu kaantu 13 oka cikama mOshigambo okufala ehokololo ljepapu luko kOntonanga. Otua ciki ko 19.7. Sho tua ciki popepi noongulu dOntonanga, ongundu noja tameke okuimba, Aantu oja li ja limbililua, omolua shike ongundu ji nuuladi uokuimba. Oshoka elongekido olja li inali tsakana naua. Ihe ongulohi ndjoka ongundu pamue nomusita oja tameke omagalikano okuhija engalo nokuindila ejambeko lja Kalunga. Ongula sho kua shi, okua monika elundu olju udilila aantu. Notua tameke elongelokalunga potunti 10 notua tsikile oshigongi shetu sigo otundi 8 ongulohi.

Ihe pehulilo ljoshigongi iihuna nkene kehe ngoka okua kongo ompito, ope a hempulule oondjo de, noje shi ningi nomahodi.

Ano sho nde shi tala, omuenjo guandje ogua kuminua oonkondo da Kalunga okutompela aantu uuinaji uauo, nokombinga joojakuauo mboka ji iuete oja guana, itaa pumbua aniuu omaitedululo ga tja ngaaka. Nojendji oja ningine momasheko ge li nomaakristelela otaga popiua paali. Jamue otaa ti: Aniuu omuti hagu gundua mongerki aniuu, ogo tagu egulula oontulo daantu, okuhempulula shoka sha kala sha holekua. Jamue otaa ti: Mboka taa ende mcongundu daapapuduki, ojo aniuu antikristus ja popiua nale.

Ano momasheko ga tja ngaaka gamue otaga holola oondunge dopapagani okuitaala uunganga nuupule, nomakuauo oga holola oga zi momunandumbo na Kalunga, ngoka ta njanjukilua oonjata de edililua moomuenjo daantu. Ihe oohapu dOmuua otadi ti: „Shaa shoka sha njatekua kuulunde, itashi ja mo nando kashona, naa ngoka ta longo iihuna niifundja, aue, ojo tuu mboka ja njolelua moramata jomuenjo ojOnzigona.“ Ehol. 21:27. Ano mOmbibeli jetu ngele omu noohapu da tja ngaaka, na ngele tatu icana esilohenda lja Kalunga, tse inatu hala okuzimina oshilonga shaljo mutse, ota-shi ka ningua ngiini? Omujapostoli Paulus ota ti:

„Oshoka katu vulu sha nokutsondumbo noshili, aue, onokupopila oshili.“ 2 Kor. 13:8.

OKAKU.

Esiku 30.8. ondi itula isheue mongundu jaapapuduli oju ukilile kOkaku (Omulilo) 31.8. 52. Otua kala mongerki jOkaku. Aantu oja li ja gongala ojendji, nomo tuu moka mua kala uo ongundu jaasheki, ngashi tue ja tumbula nale. Ihe nando ongeji, pehulilo ljomauuvico jaijee, nkene eitedululo ljomahodi lja tameke.

Omolu ouindji uaantu poshijambelo pu ukilile omikuejo mbali, gumue oguomeni ljongerki, nomukuauo ogua za pondje, tagu piti mosheelo shomusita gu ukilila pejambelo.

Pehulilo ljoshigongi oondjimbo domahambelelo daamangululua odi imbua uo. Ihe omuihempululi gumue shokua kododokua, okua holola a ti, moku-tegelela oshigongi shika, nkene ja kala momapukico omanene.

Nonkumue ojo ndjika: Omusheki gumue shokua sheke nongula iosondaha nopokati komauuvico, ihe tala nkene ongulohi ta hempulula oondjo de nokulila, kee shi kumuenekua. Omukuetu, oku necimbo u diladile, ope na sha. Omuleshi omuholike, oshinima shika shi diladila nOmbibeli joje mekolo. Onaua shili nge to janda omapukico. Oshoka Ombibeli jetu otaji tu lombuele elongekido lje-hulilo ljuujuni. Omuua ota popi omukuju nge tagu jomafo. Mat. 24:32. MEhololo otaku popiua nkene aamati ja Kalunga taa didilikua. Ehol. 7:3. Kuume omuholike, onda hala mokulesha u iukilile ngoje muene, no u pe aakueni eha ljokuikonakona mujo jene, ope tuua guile moshiponga shokusheka Ombepo Ondjapuki.

E. Nangombe.

IILONGANKONDO JOMUUA.

IIKUMICA MU ELIM.

„Nde ja okudadiga omulilo, nonda hala nokuhalelela gua hua-ma.“ Omua osho a ti.

Aakuetu, onda mono iikumica jomulilo gua dadigua kOmua mu Elim. Tango okue gu humbatica omutumua gue, B. Eriksson nokuaashi sha je muene. Okoohapu di Ehol. 21:27 omulilo guOmbepo Ondjapuki gua huameke omukadona kehe mokagumbo, nangame uo kashona manga. Shika sha ningua 4.8.52 okuza poandaha. Uusiku mboka aaguudjuka ja lilile shili oondjo dauo noku di hempulula. Taa kungu mo ashihe shiihuna kaji shi kutumbulua. Esiku ekuauo aamati aanaskola ja kuatua uo, omulilo gua tema. Shaa ngoka ota matuka a konge ekuaco shili, oshoka ota pi naji kiihuna je. Aavu ja ningi ojendji, shaa ngoka ota keme nokumatuka kOmuhupici Jesus, omuti gualudo. Osho sha kala sigo 9.8.52. Ngame uo nda tompelua ihe uulunde kOmbepo, nopuaa na ue eipopilo, nda kongo uo aakuaci. Esiku 10.8.52 Omua okua tula omulilo gue miikaha jaaniimuandi nomusita guauo, je gu huameke koomuidi komakuega nokoondjoho doku Elim. Tala kuume, Omua okua longo shili epapuduko tali kumica. Ok 12 tuu 10.8. sigo 11.8. kape na ue omua li ta tumbu mukuaao. Iipala ja kanica ombili; ojendji ja tameke okulila. Otaa pandekua ouala ja hala okuhempulula nokuli mpoka manga aauvici taa uvica, naapagani uo.

Aantu ja peua ompito okuja kaahempululicitate nenge -meme. Aahempululici oja li ja kondo 10 momasiku gamue. Naa naa ngashi ua mono oongombe tadi kondjele petemba ljomeja, osho aantu ja li taa kondjele piijeelo jaahempululicitate nenge -meme. Aantu ja hatua pevi shili, ja suudigu, ja ciminikua moomuenjo, ja notelua emangululo mombinzi ja Jesus.

Kuume, onda kala olule pomauuvico miigongi, ihe inandi mona Kristus noonkondo domegulu mokati kaantu, ta denge moomuenjo, ihe otapa pi shili. Kape na nando ogumue taku tiua: Cikama, ou na oondjo, inda u ka hempulule. Ashihe oshi li puujelele momohe gomuntu muene. Ondu uvu epapuduko lja longua palue mOuambo, ihe inandi uuva sha ningua, ngashika sha ningilua mu Elim. Iikumica shili. Aantu ja cigi ko omagumbo gauo, ja dimbua nokuli omalutu gauo nando pe na uatalala, otaa lala kontundulu mooha domilunga nomongerki, nomoondjugo dooskola. Shaa mpoka ope na aantu taa lili. jo taa galikana, taa kugu shili muule ongulohi nuusiku auhe. „Omua sila ndjohenda. Omua mangulula ndje.“ Epapuduko tali kumica oomuenjo de li juulukua nale, ondika aakuetu. Emanja li nomuenjo lja njanjagula oomuenjo, sho lja guile Niimuandi na Elim, oJesus Kristus. Oje a tsica naanaa dika tadi ti: Iil. 2:17-18. Oshigongi shika osha pangelu koohapu di Ehol. 7: 1-3: „Inamu uamba oshiponga evi, nenge efuta, nenge omiti, manga tatu didilike aamati ja Kalunga miipala jauo.“ Oshili, Omua a mangulula aamangua ojendji, nangame gumue guauo mbo tua li tua mangua pahapu di: Gal. 5:19-21. Oonkandja ndatu da li da ja muule uonjama jandje, Kristus e di tokola. Odo iifundja, ciningico, ondjahi. Oshili nangame nda hupicua. Halleluja!

Ongundu onene ja li ja kuutumbile oshigongi shika, 10-14 lja Augustus, oja ningi oongundu mbali: 1) ongundu jaadidikua 2) nongundu jaatindi jemangululo.

Oto kuminua shili oonkondo domegulu da longa iikumica. Aantu je cike 1670 ji itedulula, no ja diminua po oondjo, jomaanona nojomaakuluntu naapagani uo. Nda kuminua aanona nkene ja lili omolu oondjo, jamue aashonashona. Jamue jomuaamboka je eca ashisheshihe, niikolica nomakaja, puua na nando eciminiko ljomuntu, opahapu dOmua adike. Heb. 8:11-12. Esiku etitano 15 Augustus puua ningua ehulico ljoshigongi pecimbo ljongula. Aamangululua ja peua ompito okuetela Kalunga omahambeleso molu emangululo ljaou. Oja li po ojendji, onke inaa puua ko ajehe okupopja ogumue nogumue. Onke sha ningua mongundu. Pondje nomeni ljongerki aantu ja cikama nokujelua iikaha noknhakela, nokuigida mokule omahambeleso. Jamue ja lili omahodi genjanju. Jamue ja lili omulua sho ja adika, ope je ja luotango koshigongi, no ja hala uo emangululo. Nokuli ja tsikile oshiviike sha landula okuhokolola oondjo dauo koshinjanga shegongalo, naanona uo ja holoka aluhe, nando oskola oja fuda, omolu oondjo tau dauo.

Esiku ndjoka etitano okua li iikumica noonkondo. Kandi shiuo ndi tje ngini. Eps. 126:1-3. Sho puua zimbukua okuhambeleso, okui imbua 627. Taa piti, puua fudua okacimbo. Aanona taa shuna mongerki naajehe mboka inaa kolekua. Koaltari kua ji aasita jane jatatu auuambo, nomutumua gumue, omuhongi J. Marttunen omupe. Aanona taa ningilua elongelokalunga pafupi, otaa lalukua nuujamba. Iihuna shili omeho gaanona nkene ga adimine ehupico ljaou. Ja fa naa naa uue moshishani sha Jesus. Tau imbilua eimbilo ljaou 511: „Omueene Jesus iha din'ounona.“ Opo taa pitile komueelo omushona, taa shuna nenjanju komagumbo je na Jesus meni ljaou, manga aakuluntu taje ja meni niipala taji adimi okutsakane-ka Omua mUulalelo Uujapuki. Einjengo ndika sigo onena ondi li uuvite, nondi li uete meni. Ongashi naa naa megumbo ljomegulu, nkene taku pitililua miijeelo ja adima.

Osho oshigongi sha hulica ngeji nUulalelo Uujapuki. Peningi-nino ljetango aantu taa piti mo ihe nokushuna komagumbo.

Ihe tala kuume: „Ongoka a diminua po oondjo odindji, oku na ohoole ojindji.“ Aagundjuka jomaamati naakadona, aahungusamane naafukona juunona uujaali nuutatu inaa vula okumuenena shoka je shi mono noje shi peua, oja ji ja ka hokolole: Esilohenda ljOmbepo jepapudulo ljopomacimbo gejo ljOmua, li li shili popepi. Opo ja adike mongundu jaamati ja Kalunga je na edidiliko miipala jauo.

Ondi na omaimbo, ando nangame onda ji pamue najo. Ihe ope na shoka te vulu okuninga: — Otandi ja galikanene ajehe noomuenjo daakuetu ja hoka.

Omukuetu ua mangua natango? Jesus ta mangulula aamangua. Ondi shi shi shili!

AANTANANGA TAJI INJENGE.

Iigongi jomapapuduko taji uvika apehe. Nangame uo onda mono ompito okuenda mongundu jaapapuduli. Tango aapapuduli sho ja li kOndobe, noje ja megongalo ljaandjetu mOshigambo 8.6.52, ope nda dimbulula oshilonga shOmbepo Ondjapuki ja tameke okulonga moomuenjo daantu, sho ja hempulula oondjo dauo da kala da holekua.

Okangundu kaantu 13 oka cikama mOshigambo okufala ehokololo ljepapu luko kOntananga. Otua ciki ko 19.7. Sho tua ciki popepi noongulu dOntananga, ongundu noja tameke okuimba, Aantu oja li ja limbililua, omolua shike ongundu ji nuuladi uokuimba. Oshoka elongekido olja li inali tsakana naua. Ihe ongulohi ndjoka ongundu pamue nomusita oja tameke omagalikano okuhija egongalo nokuindila ejambeko lja Kalunga. Ongula sho kua shi, okua monika elundu olju utilila aantu. Notua tameke elongelokalunga potunti 10 notua tsikile oshigongi shetu sigo otundi 8 ongulohi.

Ihe pehulilo ljoshigongi iihuna nkene kehe ngoka okua kongo ompito, ope a hempulule oondjo de, noje shi ningi nomahodi.

Ano sho nde shi tala, omuenjo guandje ogua kuminua onkondo da Kalunga okutompela aantu uuinaji uauo, nokumbinga joojakua mboka ji iuete oja guana, itaa pumbua aniaua omaitedululo ga tja ngaaka. Nojendji oja ningine momasheko ge li nomaakristelela otaga popiua paali. Jamue otaa ti: Aniaua omuti hagu gundua mongerki aniaua, ogo tagu egulula oontulo daantu, okuhempulula shoka sha kala sha holekua. Jamue otaa ti: Mboka taa ende mOngundu daapapuduki, oja aniaua antikristus ja popiua nale.

Ano momasheko ga tja ngaaka gamue otaga holola oondunge dopapagani okuitaala uunganga nuupule, nomakuauo oga holola oga zi momunandumbo na Kalunga, ngoka ta njanjukilua oonjata de edililua moomuenjo daantu. Ihe oohapu dOmua otadi ti: „Shaa shoka sha njatekua kuulunde, itashi ja mo nando kashona, naa ngoka ta longo iihuna niifundja, aue, oja tuu mboka ja njolelua moramata jomuenjo ojOnzigona.“ Ehol. 21:27. Ano mOmbibeli jetu ngele omu noohapu da tja ngaaka, na ngele tatu icana esilohenda lja Kalunga, tse inatu hala okuzimina oshilonga shaljo mutse, ota-shi ka ningua ngiini? Omujapostoli Paulus ota ti:

„Oshoka katu vulu sha nokutsondumbo noshili, aue, onokupopila oshili.“ 2 Kor. 13:8.

OKAKU.

Esiku 30.8. ondi itula isheue mongundu jaapapuduli oju ukilile kOkaku (Omulilo) 31.8.52. Otua kala mongerki jOkaku. Aantu oja li ja gongala ojendji, nomo tuu moka mua kala uo ongundu jaasheki, ngashi tue ja tumbula nale. Ihe nando ongeji, pehulilo ljomauuvico jaijee, nkene eitedululo ljomahodi lja tameke.

Omolu ouindji uaantu poshijambelo pu ukilile omikuejo mbali, gumue oguomeni ljongerki, nomukuauo ogua za pondje, tagu piti mosheelo shomusita gu ukilila pejambelo.

Pehulilo ljoshigongi oondjimbo domahambeleso daamangululua odi imbua uo. Ihe omuihempululi gumue shokua kododokua, okua holola a ti, mokutegelela oshigongi shika, nkene ja kala momapukico omanene.

Nonkumue oja ndjika: Omusheki gumue shokua sheke nongula iosondaha nopokati komauuvico, ihe tala nkene ongulohi ta hempulula oondjo de nokulila, kee shi kumuenekua. Omukuetu, oku necimbo u diladile, ope na sha. Omuleshi omuholike, oshinima shika shi diladila nOmbibeli joje mekolo. Onaua shili nge to janda omapukico. Oshoka Ombibeli jetu otaji tu lombuele elongekido lje-hulilo ljuujuni. Omua ota popi omukuju nge tagu jomafo. Mat. 24:32. MEhololo otaku popiua nkene aamati ja Kalunga taa didilikua. Ehol. 7:3. Kuume omuholike, onda hala mokulesha u iukilile ngoje muene, no u pe aakueni eha ljokuikonakona mujo jene, ope tuua guile moshiponga shokusheka Ombepo Ondjapuki.

E. Nangombe.

OLUKONDA.

MOLukonda mua holoka epapuduko enene lja kumica omue-
njo guandje okohapu tuu ndjoka taji ti: „Shaa shoka sha njateku
kuulunde, itashi ji mo nando kashona.“ Onda hala Kalunga a cikice
epapuduko ndika kooha adihe devi, opo aantu ajche ja mone ehupico
mokuhempulula oondjo.

Tu tileni oonkondo da Kalunga tadi longo momagongalo. Ka-
lunga a fa a diki ngeji edija ljejogo ljomajonagulo geso, ongome-
dija ljo mu Betesda moka mua li mu naavu. Osho ngashingeji sha
holoka.

Omukuetu, oto ji mo ngiini ano?

Abed Mvula.

ONKUATUA A SHITULULUA KOHOOLE.

Ongula jimue manga nda li po nda cikama, nda taalela omuee-
lo guondolongo, omueelo ngoka uguosheela, no pua li pu naapolisi.
Opuu li uo pu naantu ojendji ja cikama no ja tegelela, jamue o-
molu okatalekonaua je li po, jamue oja li je naakuauo je li mo-
ndolongo moka.

Omueelo sho gue eguluka ondu uvu omukukulo guompadi
meni ljongulu. Ojo no ja zi mo meni, taa heda kosheelo sigo taku
uvika omaui taga kudile. Gumue guauo okua li ta kudile unene e
neui tali etica ohenda. Eui ndjoka oljomukiintu. Omueelo sho gue
eguluka nauelela, onda mono oshipala, shoka efano ljasho itandi
vulu ngiika oku li dimbua nomuukuaaluhe. Oh, omukiintu! Aakuii-
ta oje ende naje; jaali je mu landula, na jaali je ende komeho ge.
Omulumentu gumue omunankondo okue mu kuata koluljo e mu
diginina, nomukuauo e mu kuata kolumoho. Omafufu gonkuatua
oga fundalala no ga vundakana naji mumue. Meke lje ljoshikaha
shokoluljo omu noshilalo a dengua nombambatole (oshiiela shi nuu-
ndungo ouindji she mu dengua peke), nokoshikaha she sholumoho
ombinzi ja kukutula ko. Oonguo de oda tuuka noda njata ombi-
nzi. Okacimbo kehe ota kambadala okuipueja mo miikaha jaalu-
mentu mbo je mu kuata. Ongula ndjika oje mu pitile je mu etele
omutenge guomatukuo nomadengo ogendji. Oje okua kambadala
paupuidi i imangulule, ihe ajee, aalumentu oje mu kuata je mu
diginina, taje mu pitica momueelo guondolongo.

Sho nde mu tala ondi ipula: Otandi vulu okuninga po shike?
Okacimbo hano ondi mu longele ootuu shike, shi mu kuace ngo-
mavava a tuke mo mehepeko ndino, a je kelago ljaana ja Kalunga?
Otandi mu ningile shike aakuetee? Otandi mu galikanene? Ajee,
kapu necimbo oku shi ninga. Otandi mu imbile overse jimue jei-
mbilo? Otandi talua nda fomusheki gue. Otandi vulu oku mu pa
iimaliva? Ita vulu oku ji taamba, oshoka okua kuatua naji. Otandi
mu tumbulile overse jimue jOmbibeli? Oh, ongomujengeli a lo-
mbuele ndje, ondu uvite meni llandje mua fa mua tema ehala e-
kumici, nde endebele nda ji kuje, no nde mu cipi kolupanda. Ka-
ndi shi uo sho sha ningua po, ohaluka jouala iikaha jaakuiita je
mu eca. Oje nokua gonjo iikaha je nokui ikuata komafufu ge o-
mbandamutse, ta lengalenga koombinga noombinga, je ti igida: „Ka-
lunga kandje, olje a cipi ndje? Nkee tuu meme a sa, inandi cipua
ue komilungu.“ Oje nokui ikuata momeho ge. Aakuiita no je mu
kuata isheue, noje mu fala ongonzigona mondolongo, je ti igida:
„Nkee tuu meme a sa, ndi cipue ue komilungu!“

Sho pua piti omasiku gamue, onda ji ndi ke mu talele po
mondolongo. Sho nda ciki po, ondi indile ezimino komulangeli gue
ndi je mo ndi ke mu popice. Omulangeli guondolongo okua ti: „O-
mo e li omunima ngo; otue mu diginine naua ecimbo kehe. Otua
diladila ota ji oonkuengu, oshoka ecimbo kehe ohaluka ouala ta
cikama, ta ji no ta galukile peha lje mondolongo, ta pulagula ndje,
ngele onda muene omuntu ngoka e mu cipile komilungu.“

Ngame onde mu pula: „Ito pitika ndje ndi je kuje, oshoka
ngame ondi mu shi, okuume ke noje okabua kandje?“

„Osho opalelela, inda mo!“ Oje nokue egululile ndje omueelo
guomukala moka e li (oshoka onkuatua kehe oku li mokala ke ki
ikalela, nando ondjugo jimue). Ongame nonda ji mo nombili. Ooh,
oshipala she sha jela, nomeho ge ga adima. Okua pula ndje: „Oua
tseja tuu ngoka a cipa ndje komilungu? Ongula jimue onda kucua
muno mokandjugo kaalangeli jandje, no ja fala ndje pondje, manga
tatu ende ndi li mehepeko enene. Ohaluka jouala, omuntu gumue
a nukile ndje, nokua cipi ndje kolupanda. Ou mu shi, okua li lje?“

Opo tuu mpoka a tameke okuhokololela ndje ehokololo ljokuka-
lamuenjo kue, a ti: „Omuselekadi meme okua si manga ngame oka-
nona koomvula hejaali. Oje okua li ohepele, nando je okua li guo-
mezimo lja simana. Oje okua sile mokandjugo okashona ka li ko-
nima jonkuauo, a sile mokandjugo komilema. Oje manga ina sa,
sho kua dimbulula eso tali heda ko, okua icana ndje, nokua tula
ndje mekolo, ndi li pokati kiikaha je, a kuata ndje nokua cipi ndje.
Sho ta cipi ndje okua ti: „Kakadona kandje ua hepa, kakadona ka-
ndje ua hepa, oku na ue omugameni pantu, e ta tsikile: „Oh, Ka-
lunga, silohenda okakadona kandje nka, ngame sho te zi po, tandi
ja kungoje, ka gamena, ngu ka siloshimpuiju.“ Okuza kesiku tuu
ndjoka sigo okesiku tii ku pula nda cipua komilungu kaku na ue
ngoka a eta omilungu de kungame a cipe ndje.“ Oje nokua pula
ndje isheue: „Olje a cipi ndje?“ Onda mu jamukula: „Ongame nde

e kucipi.“ Opo mpoka ngame nda tameke oku mu lombuela ngoka o-
muhoole gue e nohoole ji vule jandje, ngoka e ja nokua humbata
po oondjo detu, nokue tu sile momushigakano. Oje okua njanja-
gulilua omajonagulo getu, osho a heda kutse e tu cipe komilungu.
Opo tuu mpoka omahodi oga tika mo momeho ge no gandje uo
ga pononkele polupanda luomamanja mokandjugo moka nde mu
aada. Ohoole onkumici ja minikile momutima gue nomokandjugo
kaajonaguli. Omukulili a mono onzi je. No manga ina manguluka
mondolongo, aalangeli je oja kuminua elunduluko lje mu aada, no
je li hokolola. Sho a manguluka mondolongo, okua ji kegumbo, i-
he ina muena. A ningua kesilohenda lja Kalunga oshilongico oshi-
uanaua. A hokololele ajehe mboka ja ningina muulunde esilohenda
ehupici mu Jesus, nojendji ja hupicua shili ngashi je muene. Esilo-
henda inali hepela muje.

Lja lundululua ku E. Angula.

PENDUKENI MOOMPOSI!

Otse aamati tu li ku Union otatu njanjukilua unene aahongi
aape je ja okulonga oshilonga shOmua. Onke ano one amuhe o-
tatu mu halele ejambeko lja Kalunga, mu uape okutaandelica uu-
jelele uevangeli muukololo auhe, oonkondo duupagani di pue mo,
oshiguana shaandjetu shi tonatele oondunge oompe. Ano atuheni
tu taambeni uupe uomalongo. Uukulu nuu se, tu lalakaneneni uu-
jogoki uokolutu noukomuenjo, opo omapipi gokomeho ga ka ni-
nge aanandunge ongiiguana jilue jaaluude oja tonata. Ano one aa-
kuluntu, tumeni aanona komanongelo, ja taambe oondunge oompe,
tadi zi momanongelo, opo ja ka mangulule oshiguana moomposi
dokomuenjo no dokolutu. Oshoka oondunge doka tadi zi momano-
ngelo, odi vule oondunge domuntu muene manga ina longua. A-
jehe mboka je na oondunge, otaa pumbiua muujuni uupe uonga-
shingeji, omboka ja longua. Ila ano omukuetu, nena tuu ndjika to-
ta, endelele, ilikolele oondunge di. Omugundjuka omukuetu, taamba
omagano gomalongo nga, manga u nomucnjo gua nengenekua. Je-
sus mu taamba ano. Amuhe mua kundua ku

Mateus Shatipamba,
Kaaftad.

AAMATI JOKUUSHIMBA.

KUushimba ania okua holoka omalimbililo giigandjua jego-
ngalo kutja otaji gandjua peni?

Euuco ljomumvo 1926 otali ti: „Omuambo ngoka ota zi kO-
uambo ta ji kUushimba nenge ota zi kUushimba ta ji kOuambo,
ota gandja iigandjua jomumvo megongalo moka a kala petameko
ljomumvo.“

Ano ngele ua zi kOuambo mu Januari nenge shaa omuedi
guonumumvo, oto tumine egongalo ljaandjeni ljomOuambo iigandjua
jonumumvo. Ihe ngele to zi kUushimba mu Januari nenge shaa o-
muedi, oto cigi ua gandja iigandjua kegongalo ljokUushimba (moka
ua tameke omumvo), opo uaa mone uupjakadi uokutuma mo-
posa.

Kalunga ne mu jambeke ihe pahoole je. Je e mu koleke kolu-
tu nokomuenjo.

Omuulikihapu guepangelongerki.

OOMBIRIVE.

Wilpat Shaliukakenja Walvisbay oku nekundo: Otashi kuaca shike,
omuntu nando ni ilikolele uujuni auhe, nokue ekelahi eliko lje ljaaluhe?

M. Indongo ta hokolola etedululo ljaakulukadi Kuedi na Namutenja. Eku-
ndo lja Kuedi oljo ndika: Ndi tale omupagani guoondjuhi nomihanga da tsa koo-
ngolo, omutse guandje gua zindi kohoni, nonda mono nda fa naanaa Jona a ho-
lama Ninive, opo te zi.

Nd. J. H. Windhoek oku noshimptuju aagundjuka sho taa julua kohole jeliko.
A. Shidiue ta ti: Onda kumua shili omolu eendjovo da Kalunga esi dipe a-
lushelushu, ndele inadi fa oitevo jounjuni.

Ananias Ismael Walvisbay ta hokolola a mono nkene oshilumbu sha lja-
tua keshina nomutse gua njanjagulua. Iilongankondo ja Kalunga ojo iinene, natu
ilongekide okuza mo muujuni.

Johannes Nangombe Gobabis ota ti: Efimbo la ehena; tu efeni oulunde.
E. Petrus Gobabis oku nepulo: Onaini hatu lunduluka?

W. Amuaalua Otjiwarongo oku nepulo kaaambo je li mehalakano: Omua
didilika tuu oshiponga she mu kundukida, Josef nomukiintu gua Potifar? 1 Moses
39:7-10.

Aavalakadi vakueta, eengolo dokomuenjo nadi pushuke mokuilikanena ava
ve li moshiponga.

Ndimulunde Johannes ota ti: Kape na enjanju tali kala li vule ndjo-
ka nge tandi uuvu aamuameme tamu ende mu Kristus Jesus.

Gideon Kasheta Walvisbay oku nekundo: Ningeni ano aaholeli ja Ka-
lunga.

Mueshipoli na Johannes Walvisbay je nekundo: Jesus ota ti: Tandi
uja mbala.

P. Mueshipoli Otjiwarongo ota kumagida tuua dime po sha moohapu
da Kalunga.

R. K. Hakutemba Bethania te tu kundile po.
Jesaja Humbilemo ota hokolola nkene ovakriste vahapu tu li po tu na
odjulufi inene okudjulukua Jesus Omukulili uetueni tu ke mu mone ngashi e li.